



FONDO SOLIDARIO DE LIBROS DE TEXTO E AXUDAS PARA
ADQUIRIR MATERIAL ESCOLAR CURSO 2024/25

PRAZO: do 21 de maio ata o 21 de xuño (ambos incluídos)

DESTINATARIOS: Alumnado de 1º, 2º, 3º, 4º, 5º e 6º Educación Primaria (do que nos compete)

CONTÍAS DAS AXUDAS

Axudas material (Todo primaria):

- renda per cápita familiar igual ou inferior a 6.000€ será de 75€.
- renda per cápita superior a 6.000€ e inferior a 10.000 será de 60€.

LIBROS DE TEXTO

- 1º, 2º, 3º e 4º: (5º/6º no noso caso somos centro EDIXGAL e non temos libros de texto polo que non darán as axudas para eles xa que terá cada nena/o un ordenador cos libros de texto).
- renda per cápita familiar igual ou inferior a 6.000€ será de 240€.
- renda per cápita superior a 6.000€ e inferior a 10.000 será de 160€.

O alumnado que estea en situación de garda ou tutela da Xunta de Galicia, ou alumnado de educación especial ou cunha discapacidade igual ou superior ao 65% será beneficiario de 300€ desta axuda con independencia da renda.

AVISO: O alumnado que cambie de centro (IES ou a outros centros de primaria) tramitará a solicitude no centro no que foi admitido.

PRESENTACIÓN DE SOLICITUDES

-Preferiblemente por vía electrónica na aplicación [«fondolibros»](#) ou a través da sede electrónica da Xunta de Galicia, <https://sede.xunta.gal>, procedemento [ED330B](#).

-Opcionalmente no centro ou en calquera rexistro oficial.

-A solicitude estará asinada polo pai, nai, titor/a ou representante legal do alumnado, e a súa presentación implicará que: acepta as bases, cumpre os requisitos e son certos os datos indicados.

- Así mesmo, as persoas solicitantes poderán acceder por vía electrónica ao seu expediente, a través da aplicación Fondolibros, empregando a Chave 365 ou o certificado dixital da Fábrica Nacional da Moeda e Timbre.



DOCUMENTACIÓN PARA A TRAMITACIÓN DO PROCEDIMENTO:

-Anexo I (un único impreso para todos os fillos e, de ser o caso, tutelados, admitidos no mesmo centro para o curso 2024/25, e nel especificarase o nivel de estudos de cada un deles no citado curso. No caso de que a solicitude se tramite por vía electrónica empregando a aplicación Fondolibros, será necesaria a presentación dunha solicitude por cada alumno/a).

-Anexo II (comprobación de datos dos membros computables da unidade familiar).

-Copia do libro de familia onde figuren todos os membros computables.

Nos casos en que non teñan libro de familia ou este non reflecta a situación a 31 de decembro de 2022, poderán acreditar o número de membros empregando algún dos seguintes medios: Sentenza xudicial de separación ou divorcio ou, de ser o caso, convenio regulador onde conste a atribución da custodia do/a menor; certificado ou volante de convivencia; informe dos servizos sociais ou do órgano equivalente do concello onde resida a familia.

-Calquera certificado que acredite discapacidade ou outras alegacións (Certificado do grao de discapacidade do/a alumno/a ou calquera membro da familia; documentación xustificativa da situación de violencia de xénero no ámbito familiar; resolución xudicial de incapacitación con patria potestade prorrogada ou rehabilitada; resolución acreditativa da situación de acollemento; certificado de convivencia, volante de convivencia ou informe dos servizos sociais cando o pai e a nai ou titor ou titores carezan de DNI e NIE).

A documentación complementaria presentarase preferiblemente por vía electrónica. As persoas interesadas responsabilizaranse da veracidade dos documentos que presenten.

Opcionalmente, poderase presentar a documentación complementaria no centro ou en calquera rexistro oficial.

Os documentos deberán ser válidos e eficaces no momento da súa presentación, e reflectir a situación persoal, familiar e económica a 31 de decembro de 2022 , agás no caso de violencia de xénero.



COMPROBACIÓN DE DATOS

No caso de oposición á consulta indicárase nos cadros correspondentes do formulario e achegarase os documentos correspondentes.

A ter en conta para cubrir a solicitude:

A renda per cápita da unidade familiaré o resultado de dividir a renda da unidade familiar do exercicio fiscal 2022 entre o número de membros computables, tendo en conta que, computarán por dous os membros que acrediten unha discapacidade igual ou superior ao 33 % ou a percepción dunha pensión da Seguridade Social por incapacidade permanente nos graos de total, absoluta ou gran invalidez, ou a equivalente de clases pasivas.

Cando se presentase declaración do imposto sobre a renda das persoas físicas no exercicio fiscal 2022, sumaranse os recadros 435 e 460; cando non se presentase, teranse en conta os ingresos de acordo cos datos tributarios facilitados pola Axencia Estatal de Administración Tributaria.

Nos casos de violencia de xénero non se terán en conta os ingresos do agresor para determinar a renda per cápita.

Membros computables da unidade familiar :

-Os pais non separados legalmente nin divorciados ou, de ser o caso, o titor ou tutores do alumnado.

-Os/as fillos/as menores de idade con excepción dos emancipados. Terán a mesma consideración que os/as fillos/as as persoas en situación de tutela ou acollemento familiar permanente ou preadoptivo legalmente constituído.

-Os/as fillos/as maiores de idade discapacitados ou incapacitados xudicialmente, sempre que estean suxeitos á patria potestade prorrogada ou rehabilitada.

-Os/as fillos/as solteiros menores de 25 anos e queconvivan no domicilio familiar.

-Os proxenitores separados legalmente ou divorciados con custodia compartida forman unha unidade familiar cos fillos que teñen en común.

-A persoa que, por novo matrimonio, en situación de unión de feito ou en situación de afectividade análoga ás anteriores con convivencia, resida no domicilio familiar coa persoa proxenitora do/a alumno/a, agás nos casos de custodia compartida.

Cando non exista vínculo matrimonial, a unidade familiar entenderase constituída polo pai, a nai e todos os descendentes que convivan con eles e que reúnan os requisitos do punto anterior.



Non terá a consideración de membro computable:

-A persoa proxenitora que non conviva co alumnado nos casos de separación legal ou divorcio, agás no caso de custodia compartida.

-O agresor nos casos de violencia de xénero.

En todo caso, terase en conta a situación persoal e a composición da unidade familiar a 31 de decembro de 2022, agás no relativo á violencia de xénero.

Estas instrucións son un resume, para ampliar información consultarase [Orde do 7 de maio de 2024 pola que se regula a participación no fondo solidario de libros de texto e se convocan axudas para adquirir libros de texto e material escolar destinadas ao alumnado matriculado en educación primaria, educación secundaria obrigatoria e educación especial en centros docentes sostidos con fondos públicos para o curso escolar 2024/25.](#)

ADQUISICIÓN DOS LIBROS DE TEXTO

Unha vez que a persoa solicitante estea en posesión do vale só poderá adquirir unicamente libros de texto do curso no que estea matriculado.

A persoa beneficiaria nunca deberá asinar o vale antes de recibir a totalidade dos libros de texto.

Os vales non poderán ser fraccionados, e dicir, o importe total de cada vale só podera ser utilizado nun único establecemento.

O Director

Juan José Parga Cervelo